



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-413-2/22**

Datum: **22.08.2022. god**

«Agencija za vodno područje rijeke Save» Sarajevo rješavajući po zahtjevu pravnog lica „KOMBAX“ d.o.o. Lukavac za donošenje Rješenja o prethodnoj vodnoj saglasnosti za izgradnju poslovno-proizvodnog pogona u naselju Bokavići, grad Lukavac, na osnovu člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

1. Odbija se zahtjev pravnog lica „KOMBAX“ d.o.o. Lukavac za donošenje Rješenja o prethodnoj vodnoj saglasnosti za izgradnju poslovno-proizvodnog pogona u naselju Bokavići, grad Lukavac, na zemljištu označenom kao k.č. broj: 920/3 K.O. Bokavići, grad Lukavac, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovoj rješenje ne oslobađa podnosioca zahtjeva obaveze pribavljanja prethodne vodne saglasnosti za čije izdavanje je nadležno Ministarstvo poljoprivrede, vodoprivrede i šumarstva Tuzlanskog kantona, u skladu sa članom 139. stav (2) Zakona o vodama («Službene novine Federacije BiH», broj 70/06) kao i saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i sl.

O b r a z l o ž e n j e

Pravno lice „KOMBAX“ d.o.o. Lukavac podnijelo je ovoj Agenciji zahtjev za donošenje Rješenja o prethodnoj vodnoj saglasnosti za izgradnju poslovno-proizvodnog pogona u naselju Bokavići, grad Lukavac, na zemljištu označenom kao k.č. broj 920/3 K.O. Bokavići, grad Lukavac.

U provedenom postupku dostavljena je i pregledana sljedeća dokumentacija:

- Kopija rješenja o izmjenama podataka broj: 032-0-Reg-21-000958 od 21.06.2021. godine izdat od strane Općinskog suda u Tuzli;
- Kopija zemljišnoknjižnog izvataka broj: 126-0-NAR-22-002042 od 09.06.2022. godine, izdat od strane općinskog suda u Lukavcu;
- Kopija katastarskog plana 1:2500 broj: 05-26-1-2087/2022-3 od 13.06.2022, izdat od Službe za urbanizaciju, imovinske i geodetske poslove, grad Lukavac;
- Izvod iz posjedovnog lista broj: 05-26-1-2087/2022-3 od 13.06.2022 izdat Službe za urbanizaciju, imovinske i geodetske poslove, grad Lukavac, 13.06.2022. godine;
- Studija za prethodnu vodnu saglasnost za izgradnju poslovnog objekta u naselju Bokavići, grad Lukavac, urađena od strane „TZI INŽENJERING“ d.o.o. Sarajevo, august 2022. godine;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

- Lokacija kompleksa poslovnog objekta planirana je u mjestu Bokavići, grad Lukavac, na građevinskoj parceli k.č broj: 920/3 K.O. Bokavići, grad Lukavac.
- U predmetnom objektu neće nastajati tehnološke otpadne vode iz procesa rada niti nastaju oborinske onečišćene vode a kako je to utvrđeno odredbama člana 3. stav (1) tačka (cc) i (s) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
- Prema dostavljenoj studiji, predmetni kompleks nema negativnih uticaja na vodoprivrednu problematiku (uticaj na površinske i podzemne vode, odbranu od velikih voda, snabdjevanje vodom i kanalisanje voda).
- Predmetni objekat će se snabdijevati potrebnom sanitarnom vodom putem priključka na gradski vodovodni sistem.
- Sanitarno-fekalne otpadne vode koje nastaju u sanitarnom čvoru objekta će se odvoditi u vodonepropusnu septičku jamu.

Prema navedenom, a u skladu sa odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, te je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Meho Čaušević, Bsc.ing.građ.

Prilog:

- Studija za prethodnu vodnu saglasnost za izgradnju poslovnog objekta u naselju Bokavići, grad Lukavac, urađena od strane „TZI INŽENJERING“ d.o.o. Sarajevo, august 2022. godine.


Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- „KOMBAX“ d.o.o. Lukavac, ul. Bokavići bb, 75300 Lukavac
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča